

東國千一都懷古詩

平壤府

檀君朝鮮

箕子朝鮮

衛滿朝鮮

高句麗

益山郡

馬韓

報德國

成川府

沸沔國

江陵府

濊國

溟洲國

春川府

貊國

扶餘縣

百濟

仁川府

彌趨忽

濟州牧

耽羅

慶州府

新羅

金海府

金官國

高靈縣

大伽倻

開寧縣

甘文國

鬱陵島

于山國

鐵原府

泰封

全州府

後百濟

開城府

高麗

二十一都懷古詩

漢山州柳得恭宛亭著

平壤府

隸平安道 衛滿朝鮮

檀君朝鮮 高句麗

箕子朝鮮

檀君朝鮮

大同江是小西湖王仁城南遍綠蕪萬里塗山來執玉佳兒尚

憶解扶婁

右檀君朝鮮

大同江

在府東一里一名溟江一名玉城江沙白如粉青林十里為國中勝地諸西湖

王仁城

古記天神檀君命庶子雄持天符三印率徒三千降于太白山檀樹下主人同三十餘事謂之神市有一

熊祝于神願作人身神與之藥食之化為女子神與之婚生子是為檀君唐堯二十五年戊辰開國都平壤國號朝鮮寔

東方首出之君也至商武丁三十九年乙未入阿斯達山為神壽一千四十八云無是理太白山今平安道寧邊郡妙香

山阿斯達山今黃海道文化縣九月山洪武丙子權陽村近奉使入明高皇帝命製檀君詩近應製曰傳世不知幾歷年

曾過千此則以一千四十八為歷年之數陽村大儒也有所擬檀君諱王仁故平壤稱王仁城一作險按文化縣志曰

箕子朝鮮

箕子東封檀君徙都唐藏京今莊莊坪在縣東十五里鄭麟趾高麗史以為唐藏京之謠也然則與武丁三十九年化神

之說不合

解扶婁檀君娶非西岬河伯之女生子曰解扶婁禹會塗山檀君遣扶婁朝焉扶婁為北扶餘王老無子祔祠至

鯢淵得小兒金色蛙形養為子名曰金蛙為東扶餘王傳子帶素為高句麗大武王所滅

兔山山色碧森沉翁仲巾裾草露侵猶似龍年奔奔冠松風間

作管絃音

兔山

在府東北山有箕子墓周武王元年巳卯箕子東封傳至四十一世孫否否子準是為武康王為衛滿所逐浮

海南奔為馬韓自箕子至準九百二十九年又有箕子祠在府城中号崇仁殿箕子之末有孱孫三人曰親為韓氏曰平

為奇氏曰諱入龍岡烏石山為鮮于氏趙文敏贈鮮于伯機詩云箕子之後多髯翁世傳箕子之後必多髯李懋官崇仁

殿一聯云危跡謾被伴狂髮遺商皆飄克宵髯鮮于氏世為殿參奉又有箕子宮遺址在正陽門外官傍建三益齋古井有

翁仲中裾

前明使臣董越著朝鮮賦述箕子墓云墓在鬼山維城乾隅有兩翁仲如唐中裾

奔奔冠

文獻備考云萬曆壬辰倭寇陷平壤犯箕子墓左遷墓中有樂舞俱而退

久菴圖說最分明殷後荒田尚一成經畧章中堪補註無因說

與趙邠鄉

右箕子朝鮮

久菴圖說

箕子井田在舍越正陽二門外屢經兵燹而區畫宛然本國韓久菴百謙作圖說與孟子殷人七十

助之說巧合噫商君開阡之後三代遺法獨有此田以其邈在荒外之故中國先儒未之聞焉可勝嘆哉余遊平壤後見其溝洫橫縱衆柘芋、策駟過之慨然有輓回三代之志圖說多不能載

衛滿朝鮮

樓船壯士唱歌歸四郡山河映漢旗鮮北韓南分界處燕初二

字至今疑

右衛滿朝鮮

四郡

盧縮之亂燕人衛滿胡服渡沮水求居西界箕準許之滿詐稱漢兵大入請入衛仍裝準、南奔滿逐挾王八

高白巖

東明王南巡時
歲斷銅七校石
下子類利搜得
進之立為詞

沉白玉鞭

弘矢橫行十九年麒麟寶馬去朝天千秋霸氣涼于水墓裏消

弘矢

金富軾三国史云北扶餘扶婁之子金蛇得女子於淺

中為日影所照有娠生大卵置煖處有男子破殼而出骨表
英奇七歲自作弓矢百發百中扶餘俗善射謂之朱蒙因以

燕初

近有人遊南陽海中見大柱出水面數丈色黑銅石不

出柱外則必隱沒海水自北而南流為柱所割白如銀線按

燕初二字似云燕之初年或燕之初境也然春秋時燕慕容

燕無拓地至此之事東國古地理北為朝鮮南為三韓以漢

江一帶為限互相侵奪南陽府隸京畿右道距京百里正當

西南之衝然東國無以燕為号之國獨衛滿燕人可得稱燕

南陽之柱意其逐算準定疆界處也但無明證姑記于此以俟傳

古君子焉

福章歎

國祖去齊禪位於弟
遂成高福章曰遂
或乃而不仁今日
受禪明日言王于
孫王不聽遂成即
位誅福章之歎
日恨元王不用言
言後果我國祖
子莫勤莫復

乙巳系

國川時權臣左可慮
多行不義王諫之
時乙巳系于曉祚
谷為相國治

為名自云天帝子姓高氏是為高句麗始祖東明王漢元帝
建昭二年甲申立初都卒扶餘今成川府成帝鴻嘉二年
壬寅薨在位十九年漫渤水在今寧邊府琉璃王二年移都
國內城今在平安道義州府山上五十三年移都九都城在
國內城近處古記東人呼劔為九都今寧遠郡劔山即九都
城未知是否東川五二十一年移都平壤古國原五十二年
復都九都十三年又移都東黃城在平壤東木覓山中長素
五十五年復都平壤平原五五十八年移都長安城在平壤
南然則其始都平壤在中華而東明遺跡多在平壤可起東
時已嘗都之歎東明王生於遼東句麗山下以姓加於山名
為國号歷琉璃王大武王固中王慕本王太祖王次大王新
大王古國川王山上王東川王中川王西川王烽上王義川
王故國原王小獸林王故國懷王廣開土王長素王文咨王
安藏王安原王陽原王平原王嬰陽王榮留王至室藏王唐
高宗熙章元年遣大挾管李勣滅之分其地為九都
背府置安東都護府於平壤元二十八王七百五年
其麟朝天養麟窟在九梯官內官亦東明古址世傳東明王
至今在石上云朝天石在大同江中又有青雲白雲
二橋在九梯宮內東明時自然天成不假人工云

嘉郎歌

東里薛氏父年老當防
秋女恨身不得代有
以年嘉字韻代父終
以女待其收成禮分
鏡高信遂行六年未
還父曰三年以爲期
期而過夫可敬他人
韓固拒之及果敗
形枯衣染薛不知
矣示破鏡遂信自
成禮

玉鞭

東明王墓在平安道中和府龍山上号真珠墓
世傳王昇天不返太子葬其所遺玉鞭於此地

鷄立山前漲戰塵丹旌依戀沁園春平生慷慨愚溫達自是龍

鍾可笑人

右高句麗

愚溫達

金富軾三国史本傳溫達容兒龍鍾可笑家貧乞食
往來市井間時人目為愚溫達平原王有少女好啼

王戲曰汝每啼聒我耳長必不得為士大夫妻當歸之愚溫
達女年十六將嫁上郎高氏女曰王者無戲言王怒以寶釧
數十繫肘後逐之尋至溫達家為婦後周武帝伐遼東溫達
為先鋒疾國斬數十級諸軍乘之周师大敗王嘉歎曰真吾
婿也賜爵大兄及嬰陽王即位溫達憤新羅之侵割漢地
請伐臨行誓曰鷄立峴竹嶺以西不歸於我則不返也遂與
羅人戰於阿朝城下為流矢所中而死欲葬柩不肯動公主
撫棺曰死生決矣嗚呼歸矣遂舉而窆焉鷄立峴今慶尚道
間慶縣
島嶺也

益山郡

隸全羅道
報德國

馬韓

馬韓

當年枉信漢亡人麥秀殷墟又一春可笑蒼黃浮海日船頭猶

載善花嬪右馬韓

漢亡人

指衛滿也注見上箕準為衛滿所逼南奔至金馬渚都馬國号馬韓金馬渚即蓋山郡也至新莽僭号元

年為百濟始祖溫祚所滅元二百三年

善花嬪

彌勒寺在郡北八里龍華山世傳武康王與善花夫入遊幸處其日三彌勒出現建伽藍石塔者甚倭漢

明前數百年豈有釋教至海東耶又有瓊陵在郡西一里五金寺西數百步高麗史以為後朝鮮武康王及妃陵俗号永通大王陵或云百濟武王小名薯童永通者薯童之轉訛也按馬韓辰韓亡韓是為三韓辰韓者秦亡人避入馬韓馬韓王割東界以與之都慶州常用馬韓人作主亡韓屬於辰韓建國年代俱未詳陳壽三國誌馬韓所統五十四國辰韓所統十二國亡韓所統十三國又別有辰國治月支國其地方今皆不可考申承旨景濬曰後漢書箕準入海攻馬韓破之準滅絕馬韓復自立為辰王以此考之箕準所取之馬韓箕準以後之馬韓與夫箕準之馬韓元三馬韓也漢書真番辰

報德國

國上書欲見天子壅閼不得所謂壅閼者為朝鮮王右渠所
壅閼也不曰馬韓而曰辰國則右渠之世準已滅絕而馬韓
復立為辰王也東史以其準之國為馬韓之始終至
曰起漢惠帝丁未至新莽已巳共二百三年者甚誤

春草萋々金馬渚句麗南渡有荒城何人快雪前王耻羞死當

年劍大兄右報德國

荒城

報德國在郡西一里高句麗為唐所滅大兄劍年岑迎

王處之

金馬

渚劍年岑尋為安勝所殺新羅封安勝為報德

王徵焉

獲判

賜姓金氏後其族子大文擬金馬渚謀叛為羅

王所誅

大兄

小兄高句

麗官名

獲判

新羅官名

雪前王耻

高句麗旧將大祚榮走保太白山東北國号震朝

高麗崔

澄送

李穀序曰五代梁唐三十年渤海

貢士

登科

者十數人學士彬々與高氏相甲乙

成川府

隸平安道

沸沅國

沸流國

劍樣青峰一十二游車衣水逝湯、朱蒙不是真豪傑欺負酸

寒喫菜王

右沸流國

劍樣峯

紇骨山在府西北二里有峰十二世謂之巫山本國
朴延城元亨詩江上羣峯劍樣尖峯前江水正按藍

游車衣水

卒本川一名游車衣水紇骨山有四石竇
卒本川流入竇中沸騰而出故名沸流王

喫菜王

指松讓王也三国史東扶餘王金蛙有七子技能皆
不及朱蒙長子帶素諛之朱蒙乃與烏伊摩難陝父

等行至卒本川上未遑作官室結庐居之因号高句麗亦稱
卒本扶餘初至見菜葉浮水而下知有人在上派獬往尋之
果有国曰沸流其王松讓見朱蒙容良非常曰寡人僻在海
外未嘗見君子吾子自何而至乎朱蒙曰我是天帝之子西
国之王也松讓内自懷疑欲試其才曰願與君射矣朱蒙以
玉指環懸於百步外射之如破瓦松讓大驚欲以立国先後
為附庸朱蒙以朽木為官室柱如千歲然松讓不敢爭竟以
其国降遂置多勿都封松讓為多勿侯句麗語以復舊土為
多勿按此扶餘国以檀君子解扶婁為始祖東扶餘国以解
扶婁子金蛙為始祖又有高句麗国東沃沮国北沮国挹婁

瀛國

國梁貊國蓋馬國句茶國樂浪國曷思國陳羅國朱邦國
海國定安國皆高句麗別部或為所吞并其地方似在今平
安咸鏡兩道北境內外而未能詳考又有黃龍國今平安道
龍岡縣也符人國今平安道寧邊府也俱無事案渤海國注
見上定安國宋太宗時其王烏玄明上表曰臣高麗旧壤渤
海遺黎其所云高麗即高句麗也高麗史顯宗九年定安國
人骨頂未奔渤海為契丹所滅定安始末未詳龍岡縣烏石
山世傳有安市城遺址前明使臣陳嘉猷詩曰城樓百尺拂
青雲此地曾聞駐六軍翠華不辟征險道白袍屢見立奇勳
茫、旧事随流水痛、春山送落曛四海一家逢盛治願
忠藎答聖君此只柳土人之說寧非文皇駐蹕之處
也古記東人呼鳳凰為安市今鳳凰城即安市城云

江陵府

隸江原道 瀛國
溟洲國

單、嶺外大東洋藥國山川陰榑桑野老不知興廢事田間拾

得古銅章

右瀛國

單、嶺

柳馨遠潘溪隨錄曰自咸鏡道劔山分水嶺鉄嶺金剛五臺橫亘千里即單、大嶺也在府西四十五里

溟洲國

曰大閼岑高麗金負外克已詩云秋霜鴉
未過時落曉日鷄初鳴處坐傳為名句

藥國

藏國亦稱藥國亦稱鐵國漢武元朔元年癸丑藏君南
閼等叛朝鮮詣遼東內附今府城東有藏國古址城其年

古銅章

麗史河西野人畊田得銅章獻之曰藏王之印江陵
高麗時稱河西府三國志扶餘王其印文言藏王之

印國有故城名藏城文獻通考曰扶餘國地方千里本藏地
也東音藏與餘相近所謂東扶餘北扶餘南扶餘本皆藏歟

鷄林真骨大王親九雉分供左海濱最憶如花地上女魚書遠

寄倦遊人

右溟洲國

真骨

文獻備考新羅王族稱真骨承統者曰聖骨王族亦稱
第一骨貴族曰第二骨新羅元聖王二年封太宗王之

孫金周元為溟洲郡王割襄陽三陟平海蔚珍等地為食邑
憲安王十四年周元子憲昌舉兵叛討平之周元母歸蓮施

夫人居蓮

花峯下

九雉

文獻備考新羅之制雉
王日飯三斗雉九首

貊國

魚書

高麗史樂志高句麗古樂溟洲曲解題曰世傳書生遊學溟洲見良家女姜姿色頗知書史生以詩挑之女曰

婦人不妄從人特生擢第父母有命則事可諧矣生乃歸京師習舉業女家將納婿女平日臨池養魚之間馨咳辨必來就食女食魚謂曰吾食汝久矣宜知我意將帛書投之有一大魚跳躍含書悠然而逝生在京師為父母具饌市魚而歸剥之得帛書驚異之即持帛書及父書徑詣女家婿已及門矣生以書示女家遂歌此曲女父母歎曰此精誠所感非人所能為也遣其婿而納生焉按此高句麗古樂則非金周元時事也但為溟洲故京故及之

春川府

隸江原道

貊國

昭陽江水接滄津通道碑殘沒棘榛一自詩人懷古後堯時君

命漢時臣

通道碑

東史云檀君命彭吳治國內山川以奠民居不知彭吳之為漢時人漢書食貨志彭吳穿濊貊道本國金

梅月堂時習詩云通道自彭吳修史者誤以為東國鴈荒之初有彭吳者始通道路遂謂之檀君之臣檀君與帝堯相併

百濟

則不無九年之水欲以彭吳通道為伯禹治水之對甚可笑也世傳牛首山有彭吳碑而今不知其處牛首山春秋古歸

扶餘縣

隸洪忠道

百濟

歌樓舞殿向江開半月城頭月影來紅韞璫寒眠不得君王愛

在自溫臺

半月城

城周一萬三千六尺即古百濟都城也抱扶藺山而等兩頭抵白馬江形如半月故名百濟始祖溫祚高

句麗始祖東明王之第三子也避琉璃南奈慰禮城都焉烏干馬黎等十臣從渡溟帶二水故初号十濟後以百姓樂從改号百濟慰禮城今洪忠道稷山縣十四年移都南漢今京畿道廣州府近肖古王二十五年移都北漢山一名南平壤今漢城府文周王元年移都熊津今洪忠道公州牧聖王十六年始都泗泚河即扶餘縣也漢成帝鴻嘉三年癸未溫祚建國歷多婁王己屢王蓋屢王肖古王仇首王古爾王責稽王汾西王叱流王契王近肖古王近仇首王枕流王辰斯王阿莘王腆支王久甯辛王毗有王蓋鹵王文周王三斤王東城王武寧王聖王威德王惠王法王武王至義慈王唐高宗

顯慶五年遣大都督蔣烈滅之分其地為五都督府郎將劉
仁額鎮守都城凡三十五百七十八年按高句麗之後多
入中國稱渤海高氏本國高氏無以渤海為貫者新羅三姓
今有慶州金氏潘南朴氏為巨族嘗疑若氏之無也歲甲午
遊湖中有民家兒姓者忘其名敵詩公州判官乞免軍役余
為其古君王之雲仍勸之許免後聞廣州軍校亦有昔哨官
者百餘後扶餘氏則果無之或云徐氏即
古扶餘氏扶餘二字急讀為徐未知信否

白溫臺

在縣西五里有石盤掘水際可坐十許人俗傳百餘
王遊息于此石自溫故名又有天政臺在縣北十
里山上百餘時欲除拜大官則書當選者名姓而
函封置臺上頂吏取者名上有自然印文即拜相

青山一抹是扶蘓泗泚河連白馬湖不用君家興首策當時錯

恨老龍姑

扶蘓

山名在縣北三里東岑曰
近月臺西岑曰送月臺

泗泚河

在扶蘓山下一名古省津百餘武王遊泗泚北浦醉
必鼓琴自歌令從者起舞時人稱為大王浦

白馬湖

在縣北五里即白馬江也南中之水通稱爲湖

興首

義慈王時左平興首以罪派去馬預知縣唐兵至德物鼎王使人問戰守之宜與首曰白馬炭峴一夫單槍萬

夫莫當宜簡勇士往守之使唐兵不得入白馬羅兵不得過炭峴大王閉閤勿與戰待其糧盡卒疲而擊之破之必矣王不用遂至於亡左平成忠獄中上書亦與與首之言同王不省及唐羅兵薄城王嘆曰悔不用成忠之言左平百勝官名

老龍姑

百洛江中有護國龍窟定方伐百洛時風雨大作不得渡悶而睡夢見一老姑自言龍母定方問姑子

何欲曰愛白馬覺而異之以白馬爲餌釣得一龍頭更風雨聞霧遂渡師滅百洛今扶蘄山下有一怪石跨江石上有攫跡俗稱釣龍臺李粹光芝峯類說曰白玉峯光顯有盛名於國中嘗遊扶餘縣令設宴以待羣妓亦簪喜及見其容自拙陋妓皆反面笑之曰釣龍臺耳蓋此臺有美名而不過一怪石玉峯与李粹谷連崔孤竹慶昌稱詩以平洛爲務号三唐

雨冷風淒去國愁巖花落盡水悠悠泉臺寂寞誰相伴同是江

南歸命侯

彌越忽國

嚴花

唐兵陷都城宮女奔迸至大王浦岩石上墜江而死後人名其岩曰落花岩

歸命侯

義慈王擒至唐而卒詔葬孫皓陳叔寶墓側東國錦江以南亦稱江南

仁川府

隸京畿道 彌越忽國

涓上悲歌別弟兄登山臨水汨南征三韓地劣姜肱被休等崢

嶸忽悲城

右彌越忽國

忽悲城

高句麗始祖東明王初在東扶餘生子曰琉璃後至卒本扶餘娶妻生二子長曰沸流次曰溫祚立琉璃

焉嗣沸流溫祚相謂曰吾後如贅疣安能鬱居此乎乃奉母渡涓帶二水登漢山覓兒岳望可居之地沸流居彌越忽

溫祚居河南慰禮城沸流以彌越忽土溫水賊不得安居注見慰禮城人民安泰慚悲而死臣民皆歸非慰禮輿地考曰

仁川文鶴山上有城世傳沸流所都以王忽悲而死故名曰忽悲城城南十里海坪上有大塚大石人懷外俗傳彌鄒王

墓彌越之趙可作鄒彌鄒忽亦稱賈召忽

耽羅

濟州牧

隸全羅道

耽羅

三乙那城瘴霧開耽津江口峭帆迴厥初還有毛興穴何必他

人袴下來

右耽羅

三乙那城

濟州在南海中水路九百七十里幅員四百里高麗史古記厥初三神人從地湧出今鎮山北有所

謂毛興穴是其處也長曰良乙那次曰高乙那三曰夫乙那分處箇中謂之第一部第二部第三部高乙那十五代孫高

厚高清昆弟三人始入朝新羅于時太史奏客星見南方及厚等至羅王大喜号厚曰星主以其動星文也喉清如子令

出袴下号曰玉号其李曰都內賜国号曰耽羅以其初泊耽津為朝新羅也耽津今全羅道康津縣也自此之後高為星

主良為王子夫為後上或事新羅或降百濟麗太祖二十年遣太子末來朝賜星主王子爵肅宗十年改曰羅為耽羅

郡蓋其前或稱七羅故也忠烈王三年元朝以耽羅為房星分野遣塔羅亦載馬牛駱駝羊來放水山坪馬畜蕃息設達

魯花赤府及軍民提管府又置軍民安撫使府地或隸元或隸高麗入我國後星主高鳳禮王子文忠世等以星主王

子之号似涉僭擬請改之以星王為左都知管王子為右都
知管良氏後為梁氏金城郡文氏來婚于高氏子孫有酋高
為王子者文獻備考輿地考曰事文類聚嘉祐中蘓州崑山
縣海上有一船桅折舳舻抵崑船中有三十餘人衣冠如唐
繫紅鞵角帶短皂布衫見人皆痛哭言語不可曉試令書字
亦不可讀行則相綴如鴈行久之出一書示人乃唐天授誥
勅屯羅岳首領陪戎副戎制又有一書乃是上高麗表亦稱
屯羅岳皆用漢字知崑山縣事使人為治其桅、舊植船木
上不可動工人為之造轉軸教其起倒之法臣景濬謹按消
州古稱屯羅所謂屯羅之屯字之誤也天授乃高麗太祖
年号高麗史天授二十一年屯羅岳主來朝賜爵云而副尉
乃高麗官名如毅帝癸酉耽羅副尉中連珍直等來獻方物
者是也帝宗十年改屯羅為耽羅云則肅宗以前稱屯羅可
知也宋人不知高麗年号指為唐武后之年号按後漢書馬
韓之西海島上有州胡国短小衣韋衣乘船往來市韓中又
有孝武帝太元中秦王堅征苻洛徵兵於休忍一統志云休
忍国在新羅之東亦三韓之屬後并於百濟二国地方今不
可考而州胡在馬韓西則宜為百濟屬国休忍在新羅東則
百濟安能越新羅而有其地哉為可疑李先輩晚運紀年兒
覽亦并為百濟所屬今始從之又按文獻通考宋文帝元嘉

新羅

二年倭王玁遣使自稱使持節都督倭百濟新羅任羅奉韓
基韓六國諸軍事此甚可笑東國之於日本隔一大海百濟
新羅何曾受其節制乎倭人之夸詐自古
如此秦韓即辰韓也基韓不知指何韓也

慶州府

隸慶尚道

新羅

辰韓音什伐

二國關

辰韓六部澹秋烟徐莞繁華想可憐萬波加弮笛橫吹三
姓一千年

辰韓六部

新羅初慶州有辰韓六部一曰閑州楊山村其長
謂平二曰穴山高墟村其長蘓伐都利三曰茂山

大樹村其長俱禮馬四曰嘴山珍支村其長智伯庫五曰金
山加利村其長祗沱六曰明活山高邪村其長庫珍也

徐莞

新羅國号始稱徐伐羅又徐邪伐又徐那伐又徐伐或
稱斯羅或稱斯盧脫解王乙丑以始林有難恠改稱難

林智證王癸未以德業日新洞雅四方之義定号新羅文獻
脩考曰後人凡稱京都曰徐伐韓焉徐莞又曰首什伐國或
作音什火因新羅方言呼謂之伐火謂之弗伐與弗
音相似故也然則其稱徐伐羅者盖言徐羅坪也

萬波

神文王時東海中有小山隨波往來王異之使人泛海入山有一竿竹命作笛吹之兵退病愈旱雨

雨晴風定波平号萬波息笛孝昭王時加号萬波息笛又有玉笛長尺有九寸拜甚清亮世傳東海龍所獻北踰鳥岑則拜不出云

三姓

漢宣帝地節元年高樞村長蘓茂公望見楊山麓蘿井旁林間有白馬拜跪之狀就視之馬忽不見有大卵剖

之嬰兒出收養之及年十三岐嶷風成六部人立以爲君卽漢成帝五鳳元年甲子也辰韓人謂瓠爲朴以大卵如瓠以朴爲姓名赫居世是爲朴氏之祖多婆邦國在倭國東北一千一百一十名龍成國其王含達婆娶女國王女爲妃有娠生卵王曰人而生卵不祥宜棄之妃以帛裹之置積中浮海祝曰任到有緣之地立國成家浮至新羅之阿珍浦鵲隨之飛鳴浦邊老人聞見之有少兒養之及長風神秀朗智識過人以初來時鵲鳴去鵲字之鳥以昔爲姓以解櫝而出故名曰脫解南解王聞其賢以女妻之及儒理王薨猶立爲王是爲昔氏之祖脫解王九年王夜聞金城西始林樹間有鷄鳴拜遣大輔瓠公往視有金色小櫝掛樹枝白鷄鳴其下王取櫝開之有小兒王喜曰此豈非天遺我今胤乎乃收養之名閑智

王母去

真平王好獵兵部令金府援諫不聽臨死其子瘞於出彈路側他日王出獵有拜曰王母去王問之從者曰拜自后搜墓出王淚涕曰嗟我深不復獵

牧丹圖

善德女王性明敏唐賜牧丹花圖及花子王曰此花絕麗而無蜂蝶必無香種之果然

以其出於金檀故姓金氏是為金氏之祖名其林曰鷄林因
為國号閔智七世孫味鄒娶助賁王女助賁王無子味鄒代
立自此之後互相嫁娶皆為宗姓自朴赫居世歷南解王儒
理王脫解王婆娑王祗摩王逸聖王阿達羅王伐休王奈解
王助賁王沾解王味鄒王儒禮王基臨王訖解王奈勿王實
聖訥祗王慈悲王炤智王智證王法興王真興王真智王真
平王善德女王真德女王太宗王文武王神文王孝昭王聖
德王孝成王景德王惠恭王宣德王元聖王昭聖王哀莊王
憲德王興德王僖康王神武王文聖王憲安王景文王憲康
王定康王真聖女王孝恭王神德王景明王景哀王至敬順
王後唐潞王清泰二年降于高麗太祖妻以棠浪公主封
棠浪王上柱國加尚父國除為慶州元朴氏十五昔氏八王
金氏三十七王合五十五王九百九十二年按東京雜記朴
赫居世号居西于辰韓人稱王之語或云呼貴人之語南解
号次雄亦号慈克金大問云方言謂巫也世人以巫事見
神故畏敬之遂尊稱者為次雄儒理号尼斯今亦号尼叱
今盖儒理以南解遺命諫位於脫解曰神咒大宝非庸
人所堪吾聞聖智人多齒試以飭噬之儒理齒痕多遂立為
尼斯今者方言齒痕也後世遂為君王之稱自儒理至寧聖
皆号尼斯今訥祗号麻立于金大問云麻立方言謂櫬也櫬

城上拜

唐太宗自將伐遼東至安市城主梁萬春不下乃班師城主登城拜舞

石鐘曲

孫順家貧行傭養母順有兒每奪母食順將埋兒掘地得石鐘要之將兒與鐘還懸而撞之聲聞王宮王問知之曰昔郭巨埋子天賜金釜今孫順埋兒地出石鐘前後同符歲給米五十碩

謂識操準位而置則王極為主目極列於下也自訥抵至昭智皆号麻立于智證四年羣臣以方言不雅馴始上王号金大問新羅人為漢山州都督著有高僧傳花郎世記宋本漢山記多未傳其釋麻立于之義文理未長次、雄忠讀為惹克尼斯今讀為尼叱今文獻通考曰符堅時新羅王樓寒遣使衛頭朝貢梁武帝普通二年王姓慕名奉始使人隨百裔獻方物新羅王無此姓名又曰隋文帝時遣使來貢其王姓金名真平、謚也非名也

樂處青山樂佛幢荒池鴈鴨不成堆春風谷口松花屋時聽窅

寒短尾狁

鴈鴨

雁鴨池在月城西北天柱寺傍文武王所鑿也池邊積石為山象王峯十二種花卉養珍禽異獸其西有臨海

殿古址新羅崇信釋教伽藍遍於國中

松花屋

角于金庾信宗女財買夫人花窆青園后每春同宗士女讌集谷中于時百卉敷榮松花滿谷架木為菴

名之曰松花屋角于新羅大官

短尾独

慶州山形北方虛故多產短尾独今俗名東京者以此東京女子縮髻於腦後謂之北髻亦塞後之意云

料峭風中過上元怱怱踏歌喧年糯飯無人祭一陣寒

鴉噪別村

糯飯

智紹王十年正月十五日幸天柱寺有烏鼠之怪令騎士追烏至澠村見兩猪相鬪留連見之失烏所在有老

翁

自池中奉書而出題云聞見二人死不用一人死騎士獻于王王曰與其二人死寧勿用日官曰二人者廢人也一人

者王者也請開之遂開見書曰射琴匣王還宮見琴匣射之飲羽血戲驗之乃內殿焚修僧与王妃偕遁者也妃与僧伏

誅國人以為若非烏鼠龍馬猪之功則王之身滅矣以正月

上子辰上午上亥等忌慎百事謂之慎日俚言怱怱言悲

愁而禁忌也又以上元日為忌日糯飯祭之名書所出池曰

大家步不保七詠一曰會藕曲二曰憂息曲三曰鷄述岑四

曰怱怱五曰陽山歌六曰碓棠七曰黃昌郎今俗上元以

糯飯米和油蜜醬雜果味甚珍名曰藥飯祭兆賓客以為上

饌即俗東京旧俗而無祭烏之事但凌晨糯飯三塊投井中

謂之龍卵桃烏而
北龍未知何意也

金鰲山色晚蒼々渲染雞林一半霜萬疊伽倻人去後至今紅

葉上書庄

金鰲山

一名南山在府南六里唐顧雲贈崔文昌致遠詩曰
我聞海上三金鰲々々頭戴山高々山之正今珠宮

貝闕黃金殿山之下今千里萬里之浩清旁邊一點雞林碧
鰲山孕秀生奇特此詩載三國史本傳而全唐詩見偏又東
文選崔文昌和張進士喬村居見寄詩注
云喬字松年而全唐詩小傳不著喬字

上書庄

新羅末崔孤雲貼書麗太祖有鷄林黃葉鵠峯青松
之語羅王聞而惡之後人名其居曰上書庄在金鰲

山北三國史本傳畧曰崔致遠字孤雲一字海雲年十二入
唐遊學乾符元年禮部侍郎裴瓚下及第調溧水縣尉考績
為丞務郎御史內供奉賜紫金魚袋出為諸道兵馬都統高
駢從事表狀書啓皆出其手其檄黃巢有曰不惟天下之人
皆思顯戮抑亦地中之鬼已擬陰誅巢為之瞿然中和五年
奉詔歸國留為侍讀並翰林學士守兵部侍郎知瑞書監事

孤雲西仕大唐東歸故國皆遭亂世迭遭塞連無復仕進意
帶家隱伽倻山與母兄浮屠賢俊及宣玄師焉方外之遊偃
仰終老世梅仙去高麗顯宗時贈內史令文昌侯後祀文廟
伽倻山在今慶尚道陝川郡孤雲所著四六集一卷桂苑筆
畊三十卷載新
唐書藝文志

城南城北鬱藍峰落日昌林寺裏鍾聞補東京書畫傳金生碑

板率居松

金生碑板

趙文敏昌林寺碑跋云右唐新羅僧金生所書其
國昌林寺碑字畫深有出刑唐人名刻無以遠過

之也古語云竹地不生才信然昌林寺在金鰲山麓寺有古
碑無字題即文敏以稱道者忠州志曰金生寺在州北十里
北津上金生新羅人父母微不知其世系生於景雲二年自
幼能書平生不攻他藝年踰八十探管不休隸書行草皆入
神生終頭院行居是寺故名高麗學士洪灌入宋以金生行
草一卷示翰林待詔楊球李韋二人大駭曰不面今日得見
王右軍手書灌曰此乃新羅人金生筆也二人笑曰天下除
王右軍安有妙筆如此哉屢言終不信今岑南碑板往有

金生筆士大夫家或
藏真蹟而多不真

亭居松

寧居不記族系生而善迴嘗於黃龍寺壁迴老松枝
榦盡屈為雀往：望之飛入及到踏蹬而墜歲久色

黥寺僧以丹青補之為雀不復至又於皇寺觀音
像晉州斷俗寺維摩像皆其筆蹟也傳為神品

三月初旬去踏青蚊川花柳鎖冥二流觴曲水傷心事休上春

風鮑石亭

右新羅

鮑石亭

在府南七里金鰲山西麓景哀王與妃嬪宗戚出遊
此亭置酒娛樂輒萱兵猝至王與妃走匿城南離宮

伶官宮女皆被陷萱縱兵大掠入殿王宮逼王自盡強辱王
妃縱其下亂妃嬪虜王弟孝廉宰臣英景等取子女百工兵
仗珍寶而去流觴曲水遺跡至今宛然鍊石在鮑魚形置亭
下故名曰鮑石亭高麗李雙明仁老詩石席宮中有棘生銅
馳陌上無人行危亭琴松半零落殘月依：照古城當時綠
管競淒咽迄：金觴隨曲絕中流空惜魏山河醉鄉不管陳日
月頽樓婉琴松亭在金鰲山頂
新羅人王寶高彈玄鶴琴處

金官國

金海府

隸慶尚道

金官國

訪古伽倻咽竹枝婆娑塲影肅溪湄回首落日沉西海猶似紅

旗入浦時

右金官國

伽倻

後漢光武建武十八年三月駕洛九于我刀汝刀彼刀五刀留水留天神天五天神兎等禊飲于水濱望見龜

首峰有異氣乾視之有紫繩繫金盒而下開見有金色六卯奉置我刀家翌日六卯剖殼而六童子出年可十五容貞甚

偉歷十餘日身長九尺奉一人為主是為首露王以生于金盒故姓金氏國号伽倻亦稱金官亦稱駕洛乃新羅王儒理

十八年也東以黃山江西南以海西北以智異山東北以伽倻山為境餘五人為五伽倻王首露王在位一百五十八年

漢獻帝建安四年薨次居登次麻品次居叱彌次尼尸品次坐知次吹希次鉦知次鉗知次仇亥新羅法興王十九年仇

亥降國除為金官郡凡十四世百九十二年高麗鄭圓隱先生夢周詩云訪古伽倻草色春與已茂度海為座府城中燕

子樓所作也首露王陵在郡西三百步陵旁田三十頃充祭祀之費侵奪者殃禍立至盜犯陵有被甲猛士從陵後出射

大伽倻國

殺之文獻備考曰萬歷壬辰倭寇發首露王塚棺中斂以金玉頭骨如銅盆棺外有二美人顏色如生出置壙外見日即消噫壬辰倭寇流毒八路封豕長蛇神人所憤而塚中甲士亦不能射退豈非天數之使然耶

婆娑塢

婆娑石塢在府城中虎溪上石色赤斑離鏤甚奇俗傳晉州太府自西域來時舟中載此以鎮風濤晉州

太府首露王妃也世傳阿踰陀國王女戎云南天竺國王女姓詐名肖玉号晉州太府建武二十四年七月渡海而至首

露王設幔殿候之見緋帆笛旗自西南隅而指北維舟登陸憩于高嶠解綾袴贊于山靈王興之同輩而歸立以爲白靈

帝中平六年三月薨壽一百二十七國人各初來維舟處曰主浦群綾袴處曰綾峴笛旗入海處曰旗出遼陵在府北龜

高靈縣

隸慶尚道 大伽倻國

千載高山流水音冷 一十二絃琴淒涼往事無人問紅葉迎

霜住錦林

右大伽倻國

一十二絃琴

大伽倻嘉悉王時樂師于勒傲泰等之制爲琴号伽倻琴今縣北三里有地名琴谷世傳勒率

琴工諫琴成按高麗史樂志新羅古樂伽倻琴曲十七一河
臨調二嫩竹調三下伽倻都四上伽倻都五寶伎六達己七
尼勿八勿慧九下奇物十耶子拔十一居烈十二沙八兮十
三甫報十四上奇物十五島十六鼠十七鵲此果于勒之遺
音歟今伽倻琴十二
絃雅俗樂俱用之

錦林

縣西二里有錦林王凌志曰大伽倻自始祖伊珍阿跋
王至道設智王凡十六世五百二十季其所云嘉慈王

錦林王世代高下未可考紀年紀覽曰大伽倻始祖伊珍阿
跋王以新羅儒理王二十年癸卯建國真興王二十三年壬
午歲之置大伽倻郡崔弘雲釋利貞傳云伽倻山神正見母
主乃為天神夷毗訶之所感生大伽倻王惱望朱日金官國
王惱望青裔二人欲則惱望朱日為伊珍阿跋之別稱惱望
青裔為首露王之別稱又釋順庵傳曰大伽倻國自元太子
乃正見之十世孫父曰異惱王與地勝覽據此以異惱王為
伊珍阿跋王之八世孫者甚誤既曰正見之母為天神所感
生伊珍阿跋王則正見與伊珍阿跋王為同母異父昆弟正
見之後豈可與伊珍阿跋王之後混同之耶大抵六伽倻世
系非徒鴻荒難考亦枉誕不可信伊珍阿跋王一子內珍朱
智王此外四伽倻國小伽倻今固城縣古寧伽倻今咸昌縣

阿那伽伽今咸安郡碧珍伽伽今星州牧
俱隸慶尚道皆為新羅所僭事蹟無傳焉

開寧縣隸慶尚道 甘文國

甘文國

穉夫人塚孝王陵宮殿遺墟雲樹層三十豺貅元大簇扁舟只

合去朝勝右甘文國

穉夫人塚縣西熊峴里有
甘文穉夫人塚

孝王陵縣址二十里有大塚
俗傳甘文金孝王陵

宮殿遺墟縣東二里柳山址有
甘文時宮閣遺址

三十豺貅東史甘文國大簇兵三十蓋至小國也或
曰三千之訛新羅助貢王二年滅之為縣

蔚陵島在江原道蔚珍縣海中 于山國

于山國

春風五兩邏帆廻海上桃花窠開唯見可之登岸臥窻無師子

撲人來

右于山國

桃花

鬱陵島產美桃國人多取種名鬱陵桃實地勝覽
曰竹大如紅鼠大於猫桃核大如升他物稱是

可之

文獻脩考曰鬱陵島海中有大數牛形赤眸無角羣
卧海定見人獨行害之遇人多走入水中名可之

師子

于山鬱陵二島在蔚珍正東海中或云本一島也地方
百里一云武陵一云羽陵新羅時恃險不服智證王十

三年何瑟羅州軍主異斯夫刻木作獅子形載船中誑島人
曰不降放此獸踏殺之國人惧而降高麗太祖十三年島人

使白吉土里來獻方物毅宗十三年遣溟州道倉監金柔立
往視之回奏云有村落遺七所及石佛石塔石鍾生柴胡葉

本石南草入我國以後亦宜其地時遣地方官巡邏島中
何瑟羅州江陵府古号按伊西國今清道郡于尸山國今寧

海府居恭山國長山國并今東萊府音什伐國今慶州府所
屬安康縣棠浪國未詳押智國今慶山縣北只國未詳多伐

國未詳草八國今草溪縣昌文國今義城縣骨伐國今永川
郡所屬臨川縣沙伐國今尚州牧恭浦國未詳李晚運云在

興海郡古浦國未詳李晚運云在慶山縣加羅國未詳李晚
運云在巨濟府任那國未詳昌寧國駒令國召羅國并今安

泰封

東縣皆隸慶尚道帶方國今南原府隸全羅道悉直
國今三陟府隸江原道右諸國皆為新羅所併事跡

鐵原府 隸江原道 泰封

烏鵲飛邊認故宮淒涼霸業黑金東設孤猶記端陽日未作雞

林老薛公 右泰封

烏鵲 鄭松江先生激濶東別曲曰弓王古閑墟烏鵲啾々千
古興亡知不知本東國歌詞有舞無字今翻之如此府

廿二十七里楓川原即弓商所
都内外城皆土等有宮闕遺址

黑金東 弓商時唐裔王昌瑾未寓鉢圓市廛有異人來賣古
鏡昌瑾以米換之懸於壁上日映鏡而有細字讀之

曰三水中四維下上帝降子於辰馬先揮鷄後搏鴨此謂運
滿一三甲暗登天明地理遇子年中粵人事混踪跡沌名姓

混沌誰知慎與聖振法雷揮神電於巳年中二龍見一則藏
身青木中一則現影黑金東智者見愚者盲與雲注雨與人

証或見盛或見衰為滅惡塵滓此一龍子三四運代相承六
甲子此四維定滅丑越海來降頂待面此文若現於明王國

秦民安帝永昌吾之記凡一百四十七字弓商使文士宋含
知白卓等解之曰辰馬者辰韓馬韓鷄者雞林鴨者鴨綠青
木為松黑金為鉄胎波珍餐起於松岳而弓商已於鉄圓乎
遂不以京告弓商命有司與昌隆物色賣鏡者不得惟穀楓
寺鎮星塑像肖其人為鉄圓即鉄
原古号也波珍餐指高麗太祖也

端陽日

弓商者新羅憲安王之庶子也以五月五日生而與
田文同且生而有齒王惡之使人殺之使者取襁褓

中投諸樓下乳婢竊奉之手觸眇一目遂抱逃潛養之十餘
歲祝髮為僧号善宗及長不拘檢僧律軒輊有膽氣投吐原
賊梁吉使為將兵威漸盛畧有高麗舊地初都松岳後移
鉄原国号摩震建元武泰改元聖冊又改元水德萬歲改國
号泰封又改元政開後聞高麗太祖即位不知所圖走死斧
壤弓商起自唐大順二年至朱梁貞明四年凡二十八年而
亡初弓商恣其見棄南行至興州寺中見前王像拔劍擊之
思其妻之殷直諫燒鉄杆撞其陰而殺之其凶悍如此嘗自
稱彌勒佛頭戴金幘身被方袍以長子為青兎菩薩季子為神
兎菩薩出則使童男童女奉幡蓋香火前導比丘數百人梵
唄隨後自述經二十餘卷又甚無謂笑平縣志曰甲川在縣
西弓裔逃至川上棄甲而走八山谷按麥穗而食之為村民

後百濟

所害平康古号斧壤隸江原道按一統志云天祐初勅海大
氏襄有貳僧躬入者聚衆據開州稱王号大封國遂有高麗
舊地梁德龍二年王建襲殺躬入以新羅金氏襄為渤海大
氏襄以弓裔為躬入以泰封為大封以高句麗為高麗以貞
明四年為
龍德二年

全州府

隸全羅道

後百濟

往事悠々疽背翁續紛紅葉古城東可憐探轂空山裏三國何

關絕影驄

右後百濟

疽背翁

甄萱者尚州加恩縣人本姓李自姓甄氏幼時父阿
慈介畊於野母餉之置萱林下帝來乳之鄉黨異之

及長體負雄奇從軍西南海防以勞為裨將見新羅政衰嘯
聚亡命襲武州自稱新羅西面都統指揮兵馬制置持節都
督全武等州軍事行全州刺史兼御史中丞上柱國漢南郡
開國公食邑二千戶遂畧有新羅舊地都完山稱後百濟完
山即全州別号也遣使朝吳越吳越報聘加檢校太保後為
其子神劔所囚奔降高麗祖賜楊州為食邑加尚父位在

百宮上從麗祖擊神劍軍敗降國古萱庭發背而死
萱起唐景福元年至晉天福元年而滅凡四十五年

繽紛紅葉

鄭圃隱先生全州萬景臺詩云青山隱約扶餘
國紅葉繽紛百濟城今府北五里有土城古址

金山寺

寺在全羅道金溝縣東二十五里
母岳山志曰神祠幽其父於此寺

絕影驄

甄萱歆絕影驄馬於麗祖後聞識云絕影名馬至
百濟亡悔之使人請還麗祖笑而許之慶尚道開慶

縣志曰武珍村人有女姿容端正每有一紫衣男子到寢所
交婚而去女異之以針線刺其衣至明尋繇至北墻下掘之

源貫於大蚯蚓之
腰因而有娠生萱

開城府

諱京畿道

高麗

高麗

夢夫人

世祖嘗夢見一美
婦初為室家後注
永安城遇一女惟
肖遂與之婚稱夢
夫人生太祖

自發層

荒涼二十八王陵風雨年：暗添燈進鳳山中紅躑躅春來猶

二十八王陵

高麗太祖都拾岳郡即今開城府高宗十九年
遷都江華府元宗十一年遷於岳起烈王十六

五畜姓

嚴祖開國以木州
人不厭姑賜邑姓
以五畜

汝奴休

康兆穢穢宗聖丹
舉兵來伐兆敗欲是
祝祝穢宗立于其
後此曰汝奴休矣
詎可逃耶

郭處士

唐宗朝郭處士
名興隱居金州台
致之以易巾櫛幣幣
侍左右人謂金門羽
客

女真對

唐宗時李實諫使
宋帝日開汝國與
女真接壤盡拾毀之
實來對曰女真貪
歎心不可通有章
臣言女真珍室雅
出高麗安易故不
欲分利沮之來竟
交通遂至亡

院柱倚

殺宗自敗法寺馳馬
至顧參茶院從臣
某及王獨倚柱謂
侍者曰郭處士若
在吾豈至此

年復遷江華十八年還松岳辛禡八年遷都漢陽翌年還松
岳恭讓王二年復漢陽翌年還松岳高麗陵寢或在江華府
或在長湍府其在本府為二十八陵太祖姓王諱建字若天
松岳郡人金城太守隆之子也新羅憲康王丁酉生初仕弓
裔仕至波珍餐、、新羅大官名弓裔暴虐羣臣起悞後
梁末帝貞明四年戊寅將洪儒裴玄慶申崇謙卜智兼等
推戴太祖即王位建元天授取山高水麗之義國号高麗在
位二十六年壽六十七謚神聖廟号太祖歷惠宗義恭王定
宗文明王光宗大成王景宗獻和王成宗文毅王穆宗宣讓
王顯宗元文王德宗敬康王靖宗容惠王文宗仁孝王順宗
宣惠王宣宗思孝王獻宗恭陽王肅宗明孝王睿宗文孝王
仁宗恭孝王毅宗莊孝王明宗光孝王神宗靖孝王熙宗成
孝王康宗元孝王高宗安孝王元宗順孝王忠烈王忠宣王
忠肅王忠惠王忠穆王忠定王恭愍王辛禡辛昌至恭讓王
明太祖洪武二十五年壬申遜于原州降封恭讓君退謚恭
讓王元三十二世并辛禡辛昌為三十四世四百七十五年
按金寬毅編年通錄云唐肅宗在潛邸時遍遊山川天寶十
二載癸巳涉海抵松岳郡、人寶育以少女辰義遷枕生作
帝建作帝建生金城太守融、生太祖忠宣王在元元學士
謂曰玉王之先出於唐肅宗何所擬耶肅宗自幼未嘗出閭

何以辨

般宗在成平後年已
實觀一平實不
一日其年
何以辨
手要曰
私但言
因示其首
等土所水植
鳥之屬

弟辱母

明宗時
將以女配太子其
母止之志釋曰非佛
人所知以手推之外
地忠獻曰辱母如此
不可以言
卒其後戰於與
國背南斬之志獻
亦試君

蒙人釋

高宗時蒙兵攻燕
州副使崔奉命固
守不下淮安公俱
以國朝已降宜速出
降奉命不聽及蒙
兵解去崔瑀押奉
命將斬之家富人
曰此人於我為逆命
在爾為忠臣殺之
可乎因請釋之

祿山之亂即位於靈武何時東遊至有子乎王大漸王臣閑
清從苟對曰我國史誤書耳非肅宗乃宣宗也學士曰若宣
宗久勞于外庶或然也李益齋賢獨據宗族記聖源錄等書
乍稱年通錄之誤并與閑清之說而不信又按高麗之麗本
平聲讀若附麗之麗其所謂山高水麗者特取義義如新羅
本徐羅之轉音而後傳以日新網羅之義然東人至今讀作

去聲與

中國異

進鳳山

在府東北九里杜鵑花
或開世稱進鳳躡蹠

結識中朝趙子昂風流都尉瀋陽王教人提舉征東省留醉蘆

溝萬卷堂

瀋陽王

忠宣王端璋蒙古端並智體晉化父忠烈王母元世
祖女齊國大長公主王以世祖外孫復娶晉王女寶

增實憐公主武宗即位以定策功授開府儀同三司太子太
傅上柱國駙馬都尉進封瀋陽王又令入中書省參議政事

賜金虎符王構萬卷堂於蒲邸招正一時諸名勝如閻復姚
遂趙孟頫虞集元明善張養浩及本國文士李齊賢等考究

銀尚書

李寬為選事別
監多受賄賂人
号銀尚書

朱悅無子

朱悅子印遠性貪
或言於王曰朱悅無
子天道無知王曰不
有印遠乎曰悅清
直而印遠貪邪故
曰無子

紅粉榜

辛福時尹龍掌
成均試皆取勢家
乳臭童人謂紅粉榜
蓋兒童好着粉衣
紅也

赤墳怨

崔瑩膺刑曰我若
有貪德則墓上生
草不然不生矣墓
果荒赤人謂之亦
墳

本綿謠

文益漸奉使如
元得木綿種果

經史品別書高以自娛無意東歸傳位於世子自稱潘王後
稱太尉王以罪流吐蕃赦還竟薨于元先是元置征東省於
高麗右丞相阿海及閭里吉思來領之或以國王行征東省
左丞相事李齊賢字仲思号益齋累官至權漸征東省事封
金海侯謚文忠著有益齋亂藁十卷元復初趙承旨張雲莊
三公唱和詩俱載集中元詩云峨嵋山色夢中青人自鷄林
使錦城九域圖經歸一姓四川風物契三生捫參歷井真虛
語咏月吟風足此行細問孔明當日事遼東却對幼安評蓋
此時仲思奉使川蜀故也趙詩云三韓望巴蜀相去萬里餘
棧閣如登天劍門不可踰誰令觸炎熱鞍馬事馳驅王事有
期程吾敢未安居道途何緬邈山川亦盤紆賴被多古績庶
可慰踟躕勿云錦城樂早歸乃良焉秋高天氣清矯首西南
隅張詩云三韓文物盛當年刮目青雲又此賢壯志王虹纒
古劍至誠石庸裂驚弦一鞭嵐翠遊山騎滿紙珠璣咏月篇
此去浣花春政好
白鷗應為子來前

銀燭如星照禁局題詩多上牧丹亭如今破瓦嵩山在不復三

呼統殿青

寄衣曲

金剛寺聲尊宿
李季使如京師還
至鴨江聞我朝問
因寄書夫人仍送朝
服及靴曰夫人下世後
以此合莫受不師
破堅公翁
李善中當燕立通
在野外常懷中亦
類之竟死於婦人神
與會打破堅公翁
人謂破堅公翁○吉
授堅公翁化學掌

牧丹亭

齊宗召文臣五十餘人刻燭賦牧丹詩
又山呼亭牧丹盛開賦者多至百餘人

三呼統殿

忠順王時松岳夜鳴王壯而問之侍臣陳無佐對
曰無傷也古詩云嵩岳三呼統殿青王悅宋史高

麗王居蜀莫郡依大山置宮室名
其山曰神嵩按蜀莫者松岳諱也

指點前朝宰相家廢園風雨土牆斜牧丹孔雀周零盡黃蝶雙

雙飛菜花

牧丹孔雀

神宗時參知政事車若松與特進奇洪壽同入中
書省若松問於洪壽曰孔雀好在否荅曰食魚鰕

咽而死矣因問養牧
丹之術聞者譏之

潮落潮生急水門年々商舶到江村攢峯十二巫山似尺少三

拜下淚猿

急水門

禮成江在府西三十里高懸朝來於此發船故曰禮
成江宋商多泊此江宋史稱急水門最為險惡者是

也明一統志曰急水門
宛如巫峽東國無猿

天壽南門春暮時丹樓碧閣影參差風義雨笠何村客終日沉

吟省驚鵲

天壽南門

天壽院在府城東李仁老破閒集云天壽院野桂
數百株挾路成陰丹樓碧閣半出松杉公子王孫

珠翠笙歌逐日喧聞凡迎候錢別者必於此齋宗朝畫手李
寧為圖付宋商後王求得美畫於宋寧見之曰此臣門圖也

省驚鵲

高麗詩人康日用欲賦驚鵲
每冒雨至天壽院南溪觀之

紫霞洞裡草菲々不見宮姬伍馬歸為是辛王行樂地至今猶

有燕雙飛

紫霞洞

紫霞洞在松岳山下洞有安和寺寺有連漪亭紫翠
門破閒集云安和寺齋宗所建宋皇帝聞之遣使送

像設親書殿額命蔡京榜
門丹青營構甲於海東

辛王

指辛禍也嬖臣辛毗之子恭
愍王稱為己子嗣立荒淫靡

燕瘦飛

辛禍罷
妓名

可憐青木末
截龍蕭瑟千年鵲嶺松
鐵犬寒東向吹白

雲飛盡見三峯

右高麗

青木

注見工

鐵犬

世傳神僧道詵為嚴祖定都松岳下年無糧登松
岳山四望頂更雲捲見漢陽三角峯兀天際跌脚

歎愕遂造鉄犬數十頭置松岳山上使吠
之蓋三角山在松岳山之巽方為窺峯云





